

[60:] Explica pondera vocabulorum in his verbis: „Et in Iesum Christum
Filiū eius vnicū, Dominū nostrū.“

„Iesus“ est nomen propriū huius personae et significat saluatorem. Quo
nomine etsi in collatione aliorum nominū significatur in primis respectus finalis liberatio-
nis seu redemptionis ecclesiae, tamen, cum seorsim ponitur, omnia beneficia huius personae 5
comprehendit.¹ Sic etymologiam exponit angelus Matth. 1: „Vocabis nomen
eius Iesum, quia saluum faciet populum suum a peccatis ipsorum.“¹⁰⁰

„Christus“ est nomen officij et significat vnctum, congruit cum voce Messias
et tribuitur huic personae, quia est summus sacerdos et rex ecclesiae.

„Summus sacerdos“ est, quia est persona immediate missa a Deo ad patefactionem euange- 10
lij, ad placandum iram Dei suo sacrificio et ad precandum pro nobis habens testimonium,
quod exaudiatur, per quam et exhibentur bona promissa in noua testamento. Haec descriptio
summi-[61:]tur ex officijs sacerdotis, quae sunt quatuor: docere, sacrificare, orare, benedicere.

„Rex“ vero est, quia colligit sibi ecclesiam per ministerium euangelij omnibus mundi tem- 15
poribus et liberat eam a peccato et aeterna morte et sanctificat eam dato Spiritu sancto, vt sit
aeterna ipsius haereditas, et mirabiliter eam defendit et regit in hac vita, vt vere inuocet et
agnoscat exaudiri preces, ac celebret Deum et resuscitat ex morte ad vitam et gloriam aeter-
nam. Haec descriptio sumitur ex definitione regni Christi et alludit ad officia regnum, quae
sunt liberare subditos ex potestate hostium, regere populum certis legibus et defendere
bonos a malorum iniurijs. 20

¹ comprehenduntur: F, G.

¹⁰⁰ Mt 1,21.